

南華真經註疏傳神集後序

復圭子曰千古以來知道德者未有不透南華南華者所以鑒
鑒道德也晚近文人不惟不究道德即南華真經四字鮮有知
其說者先哲云湛為道德浮為英華也南華即道德之英華也
又何以云真經天地以南北為經東西為緯丹經云天上太陰
一月一度而與太陽會此常經也人間少陰一月一經而與水
至此真經也丹經又云度人須要真經度夫南者火也華亦火
之精神也此南華在天為太陰晦王朔癸之火候在人為真經
期前期後之火候莊老題為南華真經者所以點破流虜就己
取坎填離之妙竅耳非得天仙口訣者安能知之非真有道氣
道藏輯要 南華真經 亥 牛集三
者安肯信之彼其出入造化洞徹人物達生死之變明內聖外
王之道以有物之後而追窮無物之始不過欲人知性命之淵
源始覺天地間凡有形質者皆為幻惟有一道真耳胡為舍商
之倫與搢紳先生悉戀戀朝露之溫潤不知人生寄蜉蝣於天
地既無長繩繫白日當求大藥以引年自古神仙留有接命法
第非大德大行之人知法財兩用者不可與口傳耳子觀世儒
止知為利祿以養其腐不思化臭腐為神奇坐待無常之至甘
就木而不悔者天下皆是也予甚憫之故作南華之註其先哲
所已註而可存者人事也十之二其發前人所未發者性命
也十之八九然於精神筋骨脉落尚未融貫故不得不作疏於

正一天師清微弟子 洪百堅 製作

道教學術資訊網站

各章之後疏者通也彼其精神有隱藏處吾為通而露之其筋
骨有屈曲處吾為通而直之其脈落有間斷處吾為通而聯之
俾後之讀南華者一展卷咸識上升之有路登彼岸之有徑即
儒者有以詠誦議之者莫不翻然悟莊老思返有為於無為進
仁義為道德乃還古之美意也曷常與吾儒異哉然則五經四
書者世人之先師也道德南華者祖宗也二經註疏者子孫也
子孫象貌不必盡肖祖宗然而精神血脉未常不肖者此可與
真儒道難與俗儒言也

崇禎十年八月將望日程以雷拜序

道藏輯要

南華真經

全

牛集三